

仿印
宋本
黃山谷外集

山
晉
外
集

十
七
卷

石山谷內集詩二十卷任淵注

外集詩十七卷史容注別集

詩二卷史溫注內集為日本

古時翻殿宋本

今日本
上厚見

前有任

淵序鄱陽許尹序蓋合陳

后山詩注序本也末有任

壬辰山谷孫黃埒跋

此跋者本皆無之

稱

其以蜀本重刊于延平者又云

憩寂園二詩舊本僅有其目參

考家集遂成全書今按第九

卷末有此詩注云任氏舊注元

無此詩但存其目尔今以楊氏

補注增入而翁本目錄則次十
題伯時與松之後而第九卷六
至此詩然則黃惇所云冒本有
題無待驗矣考明嘉靖全集
本有此詩翁刻缺之而無旣何
耶唯此本所稱楊氏補注不詳

爲何人宋人著錄皆云云其外
集別集則朝鮮活字本行款
稍異然遇宋帝皆空板六原
少宋本也今校篇五卷繫生詩
韻第七卷贈張仲謀詩翁刻
皆有脫文通校三集注中翁

本誤字不可勝舉良由覃
溪所得是傳鈔本雖較勝
明刊而與宋本固不可同日語也
蔡公使以山谷集宋刻久佚
擬刻入叢書中會余差滿
不果故公使在叢書敘後深

陳恆為先緒甲申九月宜

都楊守教託於黃岡學舍



先太史詩編任子淵爲之集注

板行於蜀惟閩中自坊本外未

之見室昨以平生輟迹未嘗至

閩故耶母家藏蜀刻有年

試郡延平以鉞諸梓且想

寂圖二詩舊亦僅著其目多

考家集遂成全書句裏宗

風每生識其趣獨念高曾規

矩百工猶泥心焉手披以吟不

敢廢墜世之登詩壇者相與

共之以壽斯派亦先太史之志也

紹定壬辰日南至諸孫朝辭即行

軍器監王以謙權知南劍州軍

州兼管內勸農事節制本州屯

戍軍馬偕緋俘拜手敬識

右山谷詩注內集廿卷為日本寬永己巳

緡宋紹定本

見明周宏祖古書源流攷武陵丁氏藏書志楊君惺吾稱

為古時實則寬永己巳為明萬歷年間

攷吾國藏書家所稱

宋刊者三一為類編增廣大全集五十卷

查聲山沈某園黃堯圃汪閬源所遞藏近

已歸入海源閣中楊氏寶若球璧

楹書隅錄云絳

雲樓目有之只廿六卷已付劫灰以其全者世無二本洵至寶也

外間已

不可見一為錢氏遵王所稱目錄二版不

缺本夔日精廬所藏者即此然止存卷二
至卷七六卷今亦不知流歸何所一為百
宋所藏宋季閩中重刊紹興本近則流入
海外矣烏虜時際輓近舊籍之殘缺散失
已可感傷重以科學日興古粹日亡百宋
孤本盡歸外人每一思及痛恥孰甚茲本
雖出自繙宋武陵丁氏已歎為諸夏所亡
丁氏有此本今亦
歸江南圖書館
楊君惺吾得自東京又

得朝鮮活字本外集別集

莫氏邵亭有宋淳祐閩憲本外

集在三本之外亦殘缺翁本即從此出

行款雖不盡同尚不

失宋人面目陳伯言吏部見而愛之慨出

重資刻諸鄒中當時印行無多其後吏部

僑寓白門携板自隨久未付印今年春南

洋開辦勸業會余適搜購豫章先賢遺著

賁之陳列爰商諸伯言吏部將此板返諸

江西以興此邦人士共相葆護而所以提

倡剗剗之業

江西許灣刻書者不下數千
百家與宋尤之麻沙相等今

則日就
零替矣

當亦有心人所默許於永永者也

宣統二年八月江甯傅春官識於南昌勸

業道署

薌室史氏註山谷外集詩序

書存于世唯六經諸子及遷固之史有註其
下方者以其古今之變詁訓之不相通也而
今人之文今人乃隨而注之則自蘇黃之詩
始也詩動乎情發乎言而成乎音人為之人
誦之宜無難知也而蘇黃二公乃以今人博
古之書譬楚大夫而居於齊應對唯喏無非
齊言則楚人莫喻也如將以齊言而喻楚人
非其素嘗往來莊嶽之間其孰能之山谷之
詩與蘇同律而語尤雅健所援引者乃多於

蘇其詩集已有任淵史會更注之矣而公所
自編謂之外集者猶不易通史公儀甫遂繼
而為之注上自六經諸子歷代之史下及釋
老之藏稗官之錄語所關涉無不盡究予官
成都得於公之子叔廉而夜閱之其於山谷
之詩既悉疏理無復疑結而古文舊事因公
之注所發明者多矣夫讀古人之書得之於
心應之於手固非區區采之簡冊而後用之
也而為之注者乃即羣書而究其所自來則
注者之功宜難於作而公以博洽之能乃隨